



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1000. Usque Ad Annum 1063

Fleury, Claude

August. Vind. [u.a.], 1761

VD18 90117956

§. 59. Roberti Regis pietas.

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

vit. Peregrinanes innumeri ex omni-
 bus Gallia^{rum} provinciis, ex Italia, Hispa-
 niaque confluxerunt. Robertus Rex
 quoque & Regina adfuere, concham au-
 ream triginta librarum, & multas vestes
 pretiosas offerentes. Sanctius etiam Rex
 Navarræ, Dux Vasconia^{rum}, Comes Cam-
 pania^{rum}, ceterique Optimates omnes, Epi-
 scopi, Abbates, cum magnificis muneri-
 bus advenerunt. Inter publicas preces
 procedentes populi alias celeberrimas
 Reliquias atque etiam S. Martialis, qui
 Aquitania^{rum} Apostolus habebatur, illuc
 deferebant. Ex ista autem qualicunque
 inventione saltem illud, opus vere salu-
 tare, fluxit, quod Regulæ custodia antea
 in monasterio S. Joannis *d' Angeli* colla-
 psa, restituta fuerit. Nam jubente Gui-
 lielmo Duce S. Odilo advenit, atque Ab-
 batem nomine Aimericum ibi constituit.
 Guilielmus vero Dux mortem oppetiit
 Malleaci, habitu Monachorum indutus,
 annos natus septuaginta & unum, ulti-
 ma die Januarii anno Salutis millesimo
 trigesimo.

Sæculum XI.
 A.C. 1022.

*Chron. Mal.
 laac. p. 207.*

§. LIX.

Roberti Regis Pietas.

Civitas Aurelianensis Roberto Regi
 semper in deliciis fuit, nempe in ea
 nato, baptizato, & coronato. Ecclesiæ
 Cathedrali S. Crucis agros, a Fulcone
 Episco-

Helg. p. 68.

Sæculum XI. Episcopo Hugoni Bellovacensi, a quo au-
A.C. 1022. xilium sperabat, concessos restituit, &
 eidem Ecclesiæ vasa Sacra, ac maximi
 pretii ornamenta dono dedit. Abba-
 tiam Floriacensem donis cumulavit, &
 ejus privilegia confirmavit. Quippe in-
 ter præcipuos Patronos suos colebat S.
 Benedictum cum S. Virgine, S. Martino,
 S. Aniano, S. Cornelio, S. Cypriano, S.
 Dionysio, & S. Genovesa. Præterea
 Robertus Aureliani ædificari jussit mo-
 nasterium S. Aniano Sacrum, duas Eccle-
 sias Sanctæ Virgini dicatas, unum Mo-
 nasterium S. Vincentii, alterum S. Pauli
 in loco, vulgo *Chanteuge*, in Arvernia,
 S. Medardi alterum Vitriaci, S. Leodega-
 rii in Silva *Ibelina*, S. Dei Genitricis Me-
 loduni, S. Petri & S. Riculfi Silvanecti.
 Iterum Stampis Monasterium Beatæ Vir-
 ginis, & aliam Ecclesiam in Palatio. Pa-
 risiis in civitate Ecclesiam S. Nicolai, quæ
 erat Palatii Sacellum, Monasterium S.
 Germani Antissiodorensis, Monasterium
 S. Michaelis in Silva *Beverensi* (hodie
 Ecclesia Fontis Bellaquei†) Monasterium
 S. Germani Parisiis cum Ecclesia S. Vin-
 centii in Silva, vulgo *en Laye*. Gomea-
 ci Ecclesiam S. Aniani, & aliam S. Ania-
 ni, vulgo *a Fay*, Monasterium S. Vir-
 ginis Possiaci, & tandem Cassiani Augu-
 stoduni. Monasteria universim quatuor-
 decim & alias Ecclesias septem.

Tanto

† Fontaine-
bleau.

Tanto devotionis ardore in Sanctum Sæculum XI.
 Evcharistiæ Sacramentum intendebat, ut A.C. 1022.
 potius Deum in Gloria sua quam sub alie-
 na specie conspiciere sibi videretur. (*) p. 64.
 Unde etiam solícite vasa & ornamenta
 ad S. Sacrificium digne celebrandum sup-
 peditabat. Eidem etiam volupe erat,
 pretiose ornare Sanctorum Reliquias;
 quippe ipso regnante eæ magno nume-
 ro circa annum millesimum octavum
 præsertim in civitate Senonensi, seden-
 te Leoterico Archiepiscopo, detectæ
 sunt, postquam diu latuissent. Quas
 veneraturi, multi non solum ex Galliis,
 sed etiam ex Italia & Regionibus ultra-
 marinis advenerunt. Multi ægotantes
 sanitatem recuperarunt, & magnas opes
 peregrinantium devotio in civitatem
 Senonensem contulit. At Inventione
 Reliquiarum SS. Martyrum Saviniani & AÆ. SS.
 Potentiani Senonum Apostolorum nulla Ben. Sæc. 6.
 illustrior fuit. Eorum corpora in antris, p. 254.
 ne ab Infidelibus violarentur, a tempore
 Guilielmi Archiepiscopi, qui anno non-
 L 5 gente-

(*) Ex his verbis liquet, Robertum Regem
 corporalem Christi præsentiam in Evcharistia
 credidisse; quod utique ex sensu & Doctrina to-
 tius Ecclesiæ, non vero ex Tractatu Paschassi,
 quem omnium primum Corporalem præsentiam
 affirmare ausum fuisse Caveus Anglus alique Pro-
 testantes comminiscuntur, didicerit.

Sæculum XI gentesimo quadagesimo in vivis agebat,
 A.C. 1022. occultata, & ab Archiepiscopo Leoteri-
 co circa annum 1015. inventa, ipso ac-
 curante, in arcis plumbeis deposita sunt.
Gall. Chron. Tandem Roberto Rege & Constantia
 Regina jubentibus S. Saviniani corpus
 thecæ, partim ex auro, partim ex argento
 elaboratæ, gemmisque ornatae positum
 est, idque Rex ipse & Robertus filius
 humeris suis reportarunt. Cumque Sa-
 cra ossa vigesima quinta Augusti circa
 annum millesimum vigesimum quintum
 ultimo transferrentur, quidam cæcus,
 nomine Meinardus, ex vico Fontanensi
 in territorio Vastiniensi, lumen, ante
 triennium amissum, recepit.

Ceterum Rex præstitutis temporibus
 officio Divino semper intererat, multum
 Opera pie- orabat, sæpiissime genuflectebat, singulis
 tatis. diebus Psalterium legebat, atque etiam
 Lectiones & Hymnos canere alios doce-
 bat. Totas noctes in Natali Domini, in
 Paschate, & in Pentecoste vigilabat.
 A Septuagesima usque ad Pascha humi
 cubabat, & Quadragesimæ tempus pe-
 regrinando transigebat. Eleemosynæ
 Regis semper erant largissimæ, siquidem
 tam Parisiis, quam Aureliani, aut in aliis
 urbibus, in quibus morabatur, trecentos
 pauperes quin & non nunquam mille ale-
 bat, jubens eis panem & vinum abunde
 erogari. In Quadragesima, ubicunque
 versa.

versaretur, quotidie centum vel ducen-
tis pauperibus panis vinum & pisces
præbebantur. In Cœna Domini ad ho-
ram tertiam saltem trecentis pauperibus
ministrabat positis in terram genibus,
singulis panem, legumina, pisces, &
denarium porrigens. Idem faciebat ho-
ra sexta; deinde centum pauperibus
Clericis serviens, & Psalmos decantans
cuiuslibet denarios duodecim dabat. Tan-
dem postquam refectionem ipse sumpsi-
set, centum sexaginta vel plurium pau-
perum pedes lavabat singulis duos soli-
dos largiens. Hi solidi & denarii erant
argentei. Quocunque vero Rex profi-
cisceretur, præcedebant in honorem
duodecim Apostolorum duodecim pau-
peres, asellis vecti, & Deum laudan-
tes.

Denique optimus Rex usque adeo in
egenos misericors & patiens erat, ut se
præsentem vasa argentea suæ Capellæ sur-
ripi, & ex Regiis, quibus tegebatur, ve-
stimentis pretiosissimis aliquam partem
rescindi, aut saltem aurum avelli dissi-
mularet. Helgaldus Monachus Floria-
censis, qui Roberti vitam scripsit, hujus-
modi facta plura, tanquam pulcherrima,
enarrat. Præterea idem Scriptor refert,
boni Principis jussu aliquando Compen-
dii in Cœna Domini duodecim viros per-
duelles, & vitæ suæ insidiantes, custodiæ
tradi-

Sæculum XI.
A.C.1022.

Sæculum XI. traditos, tum in ædibus, quæ diceban-
A.C. 1022. tur Caroli Calvi, laute habitos, & in Fe-
 sto Resurrectionis Sacra Communionem
 munitos fuisse. FERIA secunda de causa
 eorum fuisse cognitum, & reos omnium
 Judicum calculis capite damnatos. At
 pius Regem vitæ gratiam fecisse, quod
 nollet morte eos afficere, qui Cœlestis
 vitæ escam accepissent. Liberos ergo
 dimisisse, monitos, ne impofterum simi-
 le facinus cogitarent. Ceterum, modum
 positurus perjuriis tunc temporis fre-
 quentissimis thecam, crystallinam, auro
 decoratam, sed sacrarum Reliquiarum
 vacuam parari iussit, super quam jurare
 Optimates volebat, aliamque argenteam,
 in qua ovum Gryphi includebatur, super
 quam plebejis jurantibus manum impo-
 nere præcipiebat. Quasi vero juramen-
 tum solummodo valorem suum a præsen-
 tia Reliquiarum accepisset.

Melior & utilior zelo flagrabat Ro-
 bertus Rex, cum Episcopi vacantibus Ec-
 clesiis dandi essent. Quippe, quod Gla-
 ber testatum facit, omne studium, cogi-
 tationes omnes eo solum intendebat, ut
 defuncto Pastori alium dignum, etiam si
 esset ex infima plebe ortus, sufficeret.
 Hinc Regni proceres indignabantur, &
 imperata facere detrectabant, qui nem-
 pe ad Dignitatem Episcopalem tantum
 viros nobiles, genere sibi pares, promo-
 vere

vere solebant. Plerique enim, Regum ^{Sæculum XI.} ambitionem imitantes, libertatem Ele- ^{A.C. 1022.} ctionis Canonice premebant. Itaque Robertus Rex Principes Vasallos suos sæpe rebelles expertus cum Regibus vicinis, Henrico Imperatore, Ethelredo Rege Angliæ, Rudolpho Burgundiæ, & Sanctio Navarræ pacem colebat.

Quam sinceræ amicitiae fœdere Robertus Rex Imperatori junctus fuerit, patuit ex colloquio familiari, cum ambo ^{Sigeb. an.} Principes anno millesimo vigesimo ter- ^{1023.} tio in ripa Mosæ amnis, qui duorum Regnorum terminus erat, congressi sunt. Non deerant in utriusque Principis purpuratis, qui dicerent, summam Majestatem non decere, ut alter in alterius potestatem concederet. Sed cimbas conscenderent, & in medio fluminis colloquerentur. Verum litem diremit vera amicitia & animi demissio; nam Henricus Imperator, cum vix illuxisset, cubili se proripiens cum paucis ad Robertum Regem transvectus est. Tunc ergo in teneros amplexus ruunt, & postquam Missæ ab Episcopis celebratæ interfuissent, hilariter simul prandent. Obtulit Imperatori Rex magnam auri, argenti, & gemmarum vim, præterea equos centum, pretiosis phaleris ornatos, atque omnibus armis, quibus instructissimus Eques in aciem procedit, onustos.

Sæculum XI. flos. Sed Imperator nihil accepit nisi
A.C. 1022. librum Evangeliorum, & thecam Reli-
 quiis servandis aptam, in qua dens unus
 S. Vincentii includebatur. Imperatrix
 duos scyphos aureos sibi delegit. Alte-
 ra die Rex cum Episcopis suis ad taber-
 naculum Imperatoris pervenit, cui cum
 Imperator in vicem centum libras auri
 in donum præberet, nihil aliud retinuit
 nisi duo pocula. In illa commoratione
 pacis fœdera confirmarunt, Ecclesiæ &
 Reipublicæ causas pertractarunt, & con-
 stituerunt, se Ticini Papæ collocuturos,
 & effecturos, ut quæ hic decrevissent,
 rata & fixa haberet.

§. LX.

Richardus Abbas Virdunensis.

vit. Sæc. 6. **R**ichardus Abbas Virdunensis, utrique
Act. Ben. p. Regum carissimus, ad concordiam in-
509. Hugo ter eosdem Principes conciliandam fo-
Flav. Chron. vendamque utilissimam operam contu-
Vird. p. 160. lit. Is, in Diœcesi Remensi nobilissimis
Bibl. Labb. ortus parentibus, vacavit studiis litera-
 rum in Ecclesia Cathedrali, Schola illa
 tempestate inter omnes Galliæ Belgicæ
 Ecclesias, tam Doctrinæ quam morum
 laude celeberrima. Tum Dignitatem
 Cantoris in eadem Ecclesia Remensi,
 itemque Decani consecutus tantam pru-
 dentiam atque in rebus gerendis inge-
 nium prodidit, ut omnes eum & ama-
 rent